

慶弔雜件備覽

文762  
913  
:9



中国国家图书馆  
NATIONAL LIBRARY OF CHINA

童子必需

尺牘初步

全書二册

尺牘多矣然可供童子之揣摩者絕少獨是編口吻皆按童子本位而出先家庭次姻戚次朋友社會以童子所及之親疎為序凡稟候慰問贈送借託請求規勸慶弔邀約之類雜出其中無不具備文筆明爽簡雅並附圖註童子得此恰似最初學步扶導有人儘可放膽前行絕無阻礙矣

價洋三角

共和新尺牘

全書四册

價洋三角

書分二十類都二百首義取合時辭尤淺顯凡陳言舊套概勿闡入并加註釋以便領解

共和女界新尺牘

全書二册

價洋三角

是編一洗女子尺牘之陋習議論縱橫洋洋洒洒文筆如三春花柳大有欣欣向榮之勢讀之令人興趣盎然作女界尺牘觀可作女界論說文讀亦無不可

余編古今楹聯類纂既成因思聯語之用慶弔為廣而慶弔之文字則不僅聯語或以序文或以詩歌皆用之慶賀者也或以文祭或以辭誄皆用之弔唁者也用是推而及之凡慶弔文字有合於近時通用者又另為一編曰慶弔雜件備覽附諸楹聯之後聊供應酬文字之一助云爾

卷上慶賀類總目

壽文

分切各界

壽詩

分切各界

賀壽函

答謝附

結婚證書

頌詞

謝詞

琴歌

舊式花燭文

賀婚詩

切時

賀婚函

答謝附

賀生子詩

賀生子函

答謝附

卷下帛言類總目

訃聞式

成服祭文

發引祭文

門祭文

告窆祭文

祀土文

奉主人祠告祖文

入祠祭門神文

通用祭文

分切各界

輓詩

分切各界

慰唁函

答謝附

慶弔雜件備覽卷上

慶賀類

雙壽通用文

蓋聞周王好述厥維淑女魯侯燕喜聿有令妻故陰陽成天地之和乾健必資乎坤厚內外篤室家之慶夫扶自協乎妻齊溯佳耦於鮑桓鹿車共挽緬高風於梁孟鴻案相莊鼓瑟鼓琴弋鳧弋雁龍雀之環相對茗華之玉雙成固已徵宿世之良緣極人生之樂事矣而况詩賡偕老案舉齊眉得齊治之規叶唱隨之義員嶠產冰蠶之繭總是同功長林開益壽之花無非並蒂如

某某先生暨 淑配某夫人者一德言歡百年叶慶錫爾純嘏宜其家人猗歟休歟今年 月 日為

先生暨夫人 旬雙慶時也海宇晏安人民豐阜禾茁雙歧之秀木呈連理之祥鳳

凰和鳴節節足足鳥獸咸若鷦鷯印印光煥中天極耀與孺星並朗靈鍾大地峽峯與嵩嶽同高祐集華堂歡騰采彩濟濟多士效華封三祝之辭靄靄吉人歌天保九

如之什 某某等欣逢誕日欲上微言乃命鯁生屬陳駢語自維霍光不學周勃少文王子安之腹藁久空江文通之筆花早謝未習月府霓裳之曲徒慚下里之歌欲畫

銀河仙眷之圖。愧乏寫生之筆。然而德門之令範。所不能已於言也。諸君之盛情。所不敢違其意也。爰假管城。陳其崖畧。

先生世德清華。英才卓犖。人稱麟角。幼具龍文。孝友悉本於性天。言行自合乎古訓。雅量如黃叔度。千頃波澄。功德若陳太丘。一山桂馥。遇大事則急公好義。卜中郎財粟之輸。待戚友則濟困周貧。范堯夫參舟之助。愉愉顏色。鄉里皆目為善人。落落襟期。儕類咸尊為長者。有道之令聞。無忝積善之餘慶。斯臻於是。萊春相將。梁春有耦。八人某氏。通華胄望。淑慎閨儀。西方美人。東鄰處子。十三織素。二七裁衣。好句流連。吉甫清風之誦。長言婉婉。女師德象之篇。正及瓜年。載歌桃灼。締江東之王謝。結山右之朱陳。龜勉同心。雞鳴戒旦。鏡照鸞而同影。爐薰鴨而共香。不聞交謫之聲。長衣如賓之敬。劉綱伉儷。無異神仙。宋弘糟糠。真同魚水。此固王郎天壤。愧此多才。李氏桑榆。羨其嘉耦者也。且也仲子尚辟蠶之義。夫人有昂斛之稱。蓋法喜維摩。同具慈悲之念。故牽牛織女。常留璀璨之光。今者弧悅齊懸。椿萱並茂。舞盤雕錦。無非四照之光。手酌鴛漿。即是九乾之露。水瑟雲璈。之競奏。同聲曲譜。壽人冰桃雪藕之羅陳。應憶酒斟合卷。翔來白鶴。頻傳東海之添籌。飛下青鸞。亦效南方之比翼。聿瞻松壽。無任葵傾。幸廁華筵。曷勝藻頌。喜踐白頭之約。更為黃髮之祈。看此時長樂花明。和

露更呈異彩。知此後恒春樹茂。參天總是交柯。願隸東王木公。西王金母之班。林士百福。敢上南山有臺。北山有萊之頌。君子萬年。

政界男壽通用文

且夫年高絳縣。山林之耆老易逢。圖寫香山。富貴之神仙難得。蓋必福臻洪範。際五百之昌期。而後數積靈椿。衍八千之上紀。才非官也。而才高則官自尊。德非年也。而德厚則年自邵。鄧禹但期文學。竟冠通侯。顏含不信著龜。偏登大耋。此非志願有限。休徵相逼而來。實由操執恢宏。造物因材而篤。是以金章焜耀。銅狄摩挲。莫不望若天仙。貴兼人爵。荀子所謂美意延年。史遷所謂修道養壽者。此之謂也。今年月日為某某先生。十誕辰。斯時壺凝春酒。屏啟晨霞。吉日良辰。風和物美。介眉壽者爭趨。景達尊者羅拜。莫不進參邱之三祝。獻奚斯之一篇。同人聚謀祝嘏。俾助稱觥。在諸君欲賦南山有臺之篇。屬某某先為東方啟明之倡。竊念員嶠方壺之所。詎少丹砂。瀛洲閬苑之間。定饒彩筆。豈有襪襪威鳳。尚須雀翠之華。天矯神龍。猶借蛟雷之響。維是臚言風聽。習聞君子之徽音。奮筆慕思。願記賢人之逸事。與其橫陳於胸臆。曷若布寫於屏風。謹拜首稽首而言曰。

先生世德清華。英才卓犖。少年幼學。列桃李而冠其曹。壯歲遨遊。覽山川而快其識。

鴻聲馳播。早遐邇之咸欽。鵬翮高搏。遂扶搖而直上。正我  
中華民國化進共和。治臻一統。訂神經於嶽瀆。咸敘羣靈。叶瑞紀於雲龍。用康百度。  
涵濡雨露。無非太極之泉。調劑鹽梅。即是長生之鼎。大才擘畫。能保惠於庶民。偉列  
撫循。更茂揚於四履。今夫聰明者每失之刻。公正者或流于迂。警敏者待物少真。幹  
辦者操心多感。

先生則容光必照。何須察察為明。着手成春。不肯沾沾自喜。愛惡必形于色。使屬僚  
知所從違。成見不掛於懷。故方寸毫無適莫。案牘似秋來之葉。風掃皆空。吏胥踏冰  
上而行。鏡心自怯。宜乎純禧平格。景福崇隆。裴晉公之風貌。松鶴同清。高侍中之聰  
強。杖几虛設。當此巷詠衢歌之日。正值稱觴薦葦之辰。麟繫絃來。綬色與海籌競美。  
鳥啣花至。棠陰與桃實爭輝。絳霄幾重。攬取南天弧彩。紅綃一曲。快聆東海笙歌。安  
期生棗大如瓜。西王母雪甜於蜜。冠裳行慶。山海騰歡。所謂得一為貞。壽國壽民。壽  
世。惟三不朽。立言立德立功。百福永綏。萬年勿替。某某等幸際清時。恭逢盛會。仰福  
星之燦爛。荷甘露之霏微。欣申伯之生辰。祝魯侯之燕喜。寅丹布臆。同為酌斗之祈。  
子墨攄忱。愧乏如椽之筆。敬陳善政。敢上微言。義不取諛。文皆從實。際此錦堆仙署。  
看枝枝開益壽之花。從茲日永蓬壺。願歲歲進延齡之酒。

### 壽政界父文

蓋聞精華四溢。美玉必孕自藍田。嘉蔭千章。大木必生於喬嶽。從來食福。必歸積善  
之家。自古延齡。不藉養生之術。箕陳洪範。備九五之休祥。數積靈椿。衍八千之歲月。  
庚元規登臨有興。羣看老子婆娑。馬伏波顧盼自雄。爭羨是翁豐饒。况又樹森謝砌。  
彩煥桑弧。桂馥燕山。陰歌棠棣。共仰萬家生佛。爭登堂祝壽佛無量。羣瞻一路福星。  
更翹首仰極星增耀。莫不天保進九如之頌。封人獻三祝之詞。夫澤沛宗朝。因雲於  
泰岱。河潤九里。發源於崑崙。論其身膺百福之符。神游大疑之宇。克融世詰。以樂曼  
齡。豈偶然哉。良有以也。恭維

某某先生碩宿名高。耆年望重。孝友篤於天性。幼重藝倫。知行根自古人。長敦道義。  
律身若黃叔度。允符顏子之稱。敦行若陳太邱。不愧仲弓之號。情怡山水。左太冲招  
隱有詩。惠贍親朋。范堯夫傾麥為助。義方之訓是篤。趨庭有詩禮之傳。福田之種既  
勤。啟後繼簪纓之族。修德獲報。乃見壽徵。教子成名。允宜祿養。方今

中華民國一元啟運。五族共和。奠國家於億萬年。應昌期於五百載。叶夔龍之郅治。  
百度用康。集麟鳳之禎祥。三階俱泰。天開壽寓。人樂昇平。更治清明。既澤周夫。蔀屋  
休徵壽考。乃祐集於高堂。如

先生之神仙慧業。福壽完人。蘭寢凝香。松姿益健。優哉游哉。盛矣美矣。今年月  
日為

先生懸弧令旦。攬揆良辰。詰嗣某某任某某事。政通人和。化行俗美。彈冠相慶。本顯  
親以揚名。釋褐而來。原作忠於移孝。政聲之所流播。既足坊表。夫官常。偉策之所登  
抒。無不淵源於家學。門啟于公駟馬。庭栽王氏三槐。際茲南極星明。西池桃熟。杯浮  
琥珀。屏設琉璃。橋木森森。與松柏而並茂。萊衣燦燦。映印綬而增輝。酌斗稱觴。奚翅  
尋常。滄滄問安視膳。猶然平日盤匝。捧鳩杖者若而人。僚掾歡欣而羣至。祝鶴齡者  
凡幾輩。士民鼓舞而偕來。雅頌賡揚。虎觀鴻都之選。冠裳晉接。金臺紫館之疇。日之  
升而月之恒。天運肇長生之慶。山不老而川不息。地靈開益壽之圖。某某等幸際清  
時。恭逢盛會。鶴算籌添海屋。鳧趨爭集蓬瀛。綠野堂開。勝似北窗羲皇之侶。黃封酒  
進。願誦南山來臺之篇。慚凡奏之非工。謹缶鳴之藉獻。未須扶老。且聞竹節之筇。為  
祝長庚。請酌菊花之酒。紫雲唱去。青鳥飛來。從茲百歲頤期。千秋令節。貞貞俟福。髦  
髦考祥。紉縵卿雲。歌唐虞之復旦。舒長愛日。等彭李之引年。堂上固昌壽於無疆。膝  
下亦承歡於靡既。好覓人間四皓。偕綺黃東。用而同游。仰瞻瀛海三山。喜壺嶠蓬萊  
之永峙。

### 壽政界母文

夫紫綬翔華。共拜虞侯之母。絳紗設幔。咸瞻宋氏之師。自來柔嘉淑慎之躬。每膺富  
貴康強之慶。瑤光耀於寶婺。嘉樹蔚其恒春。於以徵菊井之銘。上萱堂之頌。筵開燕  
喜。長發其祥。樂備人倫。永錫難老。祝嘏則盈牀袍笏。奉觴則繞膝芝蘭。威黨咸羨其  
恩榮。國家著以為徵瑞。此固耳鳴陰德。身備壺儀。躬之所積者厚。斯天之所報者隆  
也。恭維

某母某太夫人。系出名門。夙承家訓。莊姝表度。婉婉修儀。幼行已異於常人。誦詩無  
煩於傅母。有娣娣碩人之德。以兢兢守禮為心。其歸

太翁某某先生也。玳瑁是飭。蘋藻肅將。承歡則人無間言。上食則夙諳姑性。解衣推  
惠。婢媪感其恩勤。撲棗無爭。鄰里化其賢淑。至夫相夫贊政。脩己治家。作健如男。內  
外助藁砧之力。受辛者婦。晨昏任齋白之操。鄭絡秦箏。勤織紝以代匱。男錢女布。量  
出入以節財。鴻案相莊。椎髻布裙。而自安儉約。鹿車共挽。提甕出汲。而不憚勤勞。及  
夫王燕夢投。石麟天降。

太夫人飲食教誨。保抱提攜。不假手於媪傭。使習聞夫詩禮。階前玉樹。勤丹藥以無  
嬉。座上瓊枝。識綠衣之必貴。今者詰嗣某某任某某事。德政在民。口碑載道。毛義捧

機喜慈親及見顯揚。祖述着鞭。知偉烈定徵遠大。何莫非東丸熊之教。勵封蘇之廉。用能名閥中興。德門奉煥。憶寒霄之畫荻。貽謀惟有讀書。緬先澤之栽槐。種德果然。獲報而

太夫人之屬望於嗣君者。則尤有進焉。謂滿損謙益。天道之昭彰。保泰持盈。人生之戒慎。房玄齡集成家誡。書錄屏間。崔子玉者就箴銘。鐫刻座右。晏嬰處貴。不易衣裘也。貴能守約。富益好施。披翟弟之尊榮。勿忘儉素。奉板輿之優養。悉屏紛華。分餘潤以贍姻。解慨囊而周急。求固不應。方任其欺。夏水冬湯。澤普鳴騶之里。仁漿義粟。恩流涸鮒之區。斯其佛性婆心。積夫千善。所以休徵壽相。萃於一身。今年 月 日為太夫人 旬華誕。福草含嘉。靈花送喜。堂開畫錦。何殊閼苑風光。春永蓬壺。自是瀛洲瑞氣。蟠桃獻瑞。早登王母之盤。玉液清香。宜醉麻姑之酒。某等同慶護榮。幸分棠蔭。仰冀黃之善政。欽歐孟之懿風。辰愛日之舒長。望孀星之朗耀。侍瓊筵而介祉。鞠脰而稱北海之觴。記金管以揚徽。雍容而獻南山之頌。

壽政界妻文

自來金玉圭璋之品。合佐并珈象服之宜。是以高嶽篤生。數鴻猷於朝野。必有姬姜

內助。端淑化於閨闈。山濤為晉代名臣。許穿墉以窺良友。曼倩為漢皇近侍。常割肉以遺細君。蓋得陰陽之和。乃協治齊之道。雞鳴昧旦。資驚戒之賢。鴻案相莊。篤如賓之敬。凡乾健之自強。即坤厚之載福。瑟琴偕老。翟弟增榮。固非偶然也。恭維

某嫂某夫人。系自名門。夙承家訓。莊姝表度。婉婉修儀。幼行已異於常人。誦詩無煩。夫傳母。有娣娣碩人之德。以兢兢守禮為心。其歸

某某先生也。珩璜是飾。蘋藻肅將。承歡則人無間言。上食則夙請姑性。解衣推惠。婢媵感其恩勤。撲棗無爭。鄰里化其賢淑。至其相夫贊政。修己治家。作健如男。內外助。縈砧之力。受辛者婦。晨昏任齋白之操。滌葛淒其。秋風無斃。縫裳辛苦。宵火常明。鄭絡秦篝。勤織紵以代匱。男錢女布。量出入以節財。孟德耀之推髻布裙。桓少君之提甕出汲。聿稽女史。何讓徽音。是故斷機勗勉。樂羊之學業乃成。饁耨殷勤。箕缺之勲名以著。今

某某先生任某某事。政舉民誠。化行俗美。萬家生佛。早厚德之及人。一路福星。聽口碑之載道。悃蒙萬履。平分繡閣之春。經緯二儀。總出機絲之緒。今年 月 日為夫人 旬華誕。瑤階設悅。綺席稱觴。祥呈富貴之花。瑞獻長生之果。筵開槐署。孟嘗君集客三千。嘏祝葵臺。郝夫人行年九十。西池玉液。挹北斗以為漿。東海琅璈。和南



音而舞。旋娟舞彩。玉女彈絲。青鳥飛來。絨鸞書而展謁。紫雲遙至。護鶴駕以爭趨。玉宇瓊樓。月娥鎖闥。金泥錦字。雲母圍屏。皆以揚寫壺儀。詠歌懿範。效華封之三祝。頌天保之九如。濟濟多才。洋洋盈耳。某等叨奉後塵。稔欽內教。羣謀製錦之詞。藉表奉觴之意。夫魯侯燕喜。幸有令妻。周室螽斯。實惟太姒。賢稱柳婦。早揚彤管之輝。仙列麻姑。合晉金壘之酒。壽星與媪。曜齊明。慶集璇閨。瑤草與仙葩。並列。幸逢盛會。敢獻蕪辭。愧無曼倩之桃。共蒼生以稱兕。且借潘郎之筆。學墨客之揮犀。蓋以祝

夫人之慈壽無疆者。並以頌

先生之政聲永著也。

軍界男壽通用文

昔者麒麟畫閣。紀勳伐於漢家。猿鶴同盟。會耆英於洛社。由來名將。衛國即以衛身。厥惟仁人。有勇兼能有壽。方召之著績。運值周興。申甫之誕生。神由嶽降。故有偉大經綸。以敷綏於世。必有完固精神。以孕育於身。在文治。奏撫循。於武功。成耆定。盪海內。機槍之氣。奠國家磐石之安。元老壯猷。將軍神武。載諸史冊。播為美談。如某某先生者。績懋旂常。壽貞金石。上以佐

中華民國奕禩承平之治。作人壽考之休。衍純嘏於無窮。宣國威於至遠。可謂盛矣。不亦偉哉。今年 月 日為

先生 旬華誕時也。風物和美。海宇晏安。凡在同人。聚謀有以祝之。而屬某某為藻麗之辭。當萊臺之頌。自維謏陋。筆愧生花。欲事揄揚。文慚製錦。匏宣瓦奏。寧能揚大樹之威聲。偉烈豐功。豈猶借已歌之頌禱。然而將星炳朗於中天。福曜照臨於下土。羣瞻節鉞。莫不欣然。我望旌旄。寧能默爾。竊不自揣。敢臚陳大略焉。

先生世德清華。丰姿卓犖。請纓年少。比弱冠之終軍。投筆心雄。慕封侯之定遠。英聲風播。瓌質天成。論劍學書。已無餘子。登車攬轡。便欲絕塵。才猷既邁。夫尋常精力。早徵其強固。及夫主閭仗旄。登壇秉節。聞雞起舞。鼓壯氣於平時。立馬當關。示武功之蓋世。岳節使旌旗整肅。號令如山。程將軍刁斗森嚴。行營勿擾。鈴閣之貌。貅坐擁。部檐之雞犬無驚。聯眾志以成城。奠民情以安堵。蓋其機謀神運。如借箸之留侯。勝算心操。似圍棋之謝傅。書所稱夫子桓桓。詩所謂虎臣矯矯。方我

先生猶未盡也。申伯屏翰宗周。介圭乘馬。叔子督師荆郢。緩帶輕裘。馬上橫經。鄧司徒之雅度。營中習禮。祭征虜之高蹤。風流自賞。儒雅咸欽。說禮樂而敦詩書。卻鼓作晉軍元帥。偃干戈而修文德。賈復是漢代勳臣。固非暴虎馮河之輩。所能等量齊觀者。





也。是以無欲則剛。安仁獲壽。郭汾陽從容免胃。壽考維祺。馬伏波矍鑠據鞍。康強逢吉。登孤月滿。南山星動。軍麾鶴翅。風高東海。籌添武庫。際此龍韜。疇行虎幄。旣稱蟠桃。開益壽之花。寶笈註長生之錄。望星衢之炳朗。星野明庚。喜天宇之澄清。天河洗甲。筵開細柳。挹來北斗仙漿。弓挂扶桑。絢出南孤雲彩。鷹揚遠徵。爭歌尚父之功。鴿放遙天。共效華封之祝。某某等末光忝附。盛會欣逢。慶申伯之生辰。祝魯侯之燕喜。陳其疇之五福。賡天保之九如。詞莫罄乎鄙忱。情同殷乎獻壽。此日看兒稱珠帳。軍歌齊唱三多。從前湖鵲駕銀河。吉語曾聆六字。是則上將之勳名未艾。老人之福壽無疆。定知楊氏門中。四世都膺。簪笏羅侯城下。百年長擁干旄。

壽軍界父文

蓋聞希世璠璣。寶孕奇於閨圃。參天松柏。必植根於名山。是以泰岱之雲。起為霖雨。靈淵之水。湧出醴泉。原物類之所昭。維人羣而聿著。故將門有將。公種生公。光燦雙珠。知韋端之德教。芬揚五桂。識竇氏之義方。堂構相承。箕裘克紹。載之簡冊。傳為美談。矧其豹畧宣名。赤幟遂顯揚之志。象賢繼美。朱潭啟光大之模。則其菊圃晚香。蘭陔色養。新息侯精神矍鑠。萬石君杖履優游。洪範陳疇。備九五福之富壽。大椿暘陰。衍八千歲之春秋。固其宜也。恭維

某某先生陸地神仙。香山耆老。孝友篤於天性。幼重彝倫。知行根自古人。長敦道義。律身若黃叔度。允符顏子之稱。敦行若陳太丘。不愧仲弓之號。粹於面而益於背。心以作德而日休。禮以立而詩以言。教自趨庭而早篤。自來食福。必歸積善之家。於以鍾靈。挺出干城之選。修德獲報。乃見壽徵。教子成名。允宜祿養。方今

中華民國一元啟運。五族共和。金湯鞏固。奠國家於億萬年。節鉞威嚴。應名世于五百載。著范韓之偉績。北門之鎖鑰無憂。湖申甫之降神。南極之星辰益炳。天開壽宇。人樂昇平。祐集椿庭。歡騰梓舍。如

先生之康強逢吉。福壽兼賅。古有畝邱問年。絳縣紀亥者。方斯下矣。今年月 日為先生 旬華誕。海嶠星華。江山日麗。壺凝春酒。屏啟晨霞。鶴啣東海之壽。自祥雲而飛下。桃獻西池之果。與瑞靄以偕來。哲嗣某某。任某某事。虎臣矯矯。夫子桓桓。風肅魚鈐。金壇講武。雲屯鶴陳。珠帳標譽。聯眾志以成城。鈴閣之貌貅坐擁。奠民情以安堵。部檐之雞犬無驚。烽烟都溢為光華。河海悉呈其清晏。上將旌旗映日。喜依椿蔭同高。中軍鞞鞫趨風。欣遇桑弧煥彩。為家之慶。亦國之祥。扶鳩杖者若而人。部曲歡欣而頌禱。祝鶴齡者凡幾輩。士民鼓舞而謳歌。某某等幸遇清時。恭逢盛會。冠裳濟濟。聽歌天保九如。裙屐翩翩。爭效華封三祝。愧無仙棗。上饌靈椿。助蘭膳以進脩。陪



萊衣而祝嘏。欲揚耆德。敢上薇言。爰為製錦之詞。聊作稱觥之介。蓋享壽者早徵壽相。種福者自有福田。積之厚者流自光。鬱之久者洩必盛。老成謀貽燕翼。玉樹森然。賢郎學富龍韜。金章赫若。溯當日從戎投筆。本移孝以作忠。羨此時顯親揚名。好承奕奕。頤期。鳳凰和鳴。早卜正卿於五世。鴛鴦載翼。載頌君子於萬年。

壽軍界母文

蓋聞玉種藍田。寶琬琰璠璣所自出。源探星海。知江淮河漢所從來。室樹芝蘭而香。莫掩。爐煨楮。而煖乃生。是以玄鶴揚音。騰九皋而協律。丹鳳啣綬。應五福而來儀。雖德種璇閨。列女之芳徽自遠。而星輝織室。鈞天之第祿必申。然則餐紫芝而餌丹砂。玉女不足友也。讀黃庭而朝絳闕。王母不足多也。八千歲為春秋。鶴算卜大年之永。五百年應名世。鳳毛發潛德之光。如

某母某太夫人者。耳鳴陰德。長發其祥。樂備人倫。永錫難老。孰不欲臺萊懷清。宮瞻少廣也哉。恭維

太夫人降從月殿。系出名門。幼秉李蘭之資。長嫻大家之訓。當其嬰兒未嫁。靜女其姝。七誠能通。四德俱備。柔嘉有則。婉婉修容。夏葛冬裘。擬鍼神於無縫。晨餐夕膳。供羞饌之維精。內言不出於閨門。令聞已騰於里閭。其歸

太翁某某先生也。禮成奠雁。詩詠關雎。鮑宣之車。少君共挽。梁鴻之廡。德耀躬炊。承歡以事尊章。戒旦以相夫子。蘋蘩蘊藻。載彰內則之風。錡釜管篋。式協中閨之禮。安橫設鍵。無間於三百六旬。篝火支機。一月得四十五日。迨夫祥呈蘭夢。瑞誕菌雲。維嶽降神。曼倩下蒼龍之宿。昌期挺秀。鄧侯鍾白虎之精。

大夫保抱提攜。飲食教誨。常視無誑。既慎之於負劍之初。少儀勿愆。復訓之於勝衣之後。栽培玉樹。辛苦金堂。然趙媪愛兒。不願速適。即韋賢教子。亦守一經。縱足以振其家聲。何以能宣其偉績。乃高堂遠識。令乘宗慤之風。傑士壯懷。遂棄班超之筆。以

身許國。移孝作忠。是以溫嶠從戎。不待絕裾而去。卒使毛義捧檄。欣看秉節而來。哲嗣某某任某某事。虎臣矯矯。夫子桓桓。風肅魚鈴。金壇講武。雲屯鶴陣。珠帳標譽。聯衆志以成城。鈐閣之貌。貅坐擁。奠民情以安堵。部檣之雞犬無驚。烽烟都盪。為光華。河海悉呈其清晏。建勳樹績。功名鵲起之時。顯親揚名。報答烏私之日。今年月日為

太夫人 旬榮慶。發宮煥彩。媠曜爭輝。筵開虎帳。頌金鏡於堂前。海紀鶴籌。歌玉衡於閭內。裊裊聽霓裳雅奏。青禽送喜以和鳴。溶溶斟霞釐祥波。丹菊延齡而進酒。萊衣階峻。樹堂北以恒春。天姥峯高。接終南之佳氣。人但見其享之榮。而不知其積之



中国国家图书馆  
NATIONAL LIBRARY OF CHINA

厚也。蓋甘露深滋。早楊枝之徧灑。斯慈雲遠蔭。有桂樹之流芬。壽母年高。郎君官貴。固非僅由丸熊。勗學。封鮪。資廉也。某某等久仰坤儀。欣逢盛會。草名益母。羣看香滿。荃枝花發。長春更喜。甘餘蔗境。侍瓊筵而介祉。鞠脰而稱北海之觴。記金管以揚盛。雍容而獻南山之頌。

### 壽軍界妻文

蓋聞坤道化成。周室頌任姜之德。母儀夙著。壺闈揚鐘郝之聲。遐稽舊史所傳。聿有清芬足式。或稱女中厨顧。垂令範於一門。或號閨內原嘗。著賢聲於三族。凡所心儀。仰止罕克。眉壽並臻。况乎膺筭。加翟弟之榮。佐節鉞。韜鈴之畧。劉綱伉儷。爭羨神仙。宋弘糟糠。相安富貴。固非庸眾。所得莫希。蓋必載福徵坤厚之無疆。而後引年卜頤。期於不老。如

某嫂某夫人者。女宗標譽。婦德樹型。得陰陽之和。協治齊之道。宜其純嘏。天錫。弟祿。爾康。恭維

夫人降從月殿。系出名門。幼秉李蘭之資。長嫻大家之訓。當其嬰兒未嫁。靜女其姝。七誠能通。四德俱備。口書成誦。知伏女之天聰。手製素工。馳鍼神之雅譽。閨闈之內。言不出。鄉鄰之令聞。已昭。其歸

某某先生也。禮成奠雁。詩詠關雎。承歡以事姑嫜。戒旦以相夫子。蘋蘩蘊藻。載彰內則之風。錡釜宮筐。式協中閨之禮。女布男錢之出入。寸絲半粟之經營。棘手忘劬。蘭心夫肅。紛磚月落。猶聞機織之聲。角枕星移。未歇尺刀之響。而且吉人心小。維習柔儀。賢婦譽高。不形矜色。車同挽鹿。未聞交謫之言。案舉齊鴻。長表相莊之敬。袁公世德。偕馬季媛。而益彰。鮑子清名。藉桓少君。而彌顯。良人得專志從戎。精忠衛國。武功卓著。內助實多。夫李侃拒希烈於項城。實資募士解圍之婦。靳王勝兀朮於天蕩。賴有援桴助戰之人。載諸史篇。有光巾幗。然彼也。身逢哀亂。應運而成娘子之軍聲。今也時際昇平。安坐而享令妻之燕喜。以言乎贊襄帷幄。雖未顯於平時。以言乎福壽尊榮。實遠超乎往古。今年 月 日為

夫人 旬華誕時

某某先生任某某事。旌旂有色。刁斗無聲。夫子桓桓。弋鳧歌乎偕老。賓朋濟濟。稱兕樂乎介眉。悅設瑤階。筵開綺席。西池玉液。挹杓柄以為漿。東海琅璫。和鐻鏡而舞簫。紫雲遙至。青鳥飛來。護鶴駕以趨臨。緘鸞書而展謁。月娥瑣闥。玉宇瓊樓。雲母圍屏。金泥錦字。皆以詠歌。懿範。揚寫壺儀。頌天保之九如。效華封之三祝。某某等。諭欽內教。敢拜下風。聽樂府壽人之曲。甲帳騰歡。舞霓裳仙子之衣。士林洽慶。籌添海屋。壽

星與爛耀齊明。祐集璇閨。瑶草與琪花並茂。賢稱柳婦。早揚彤管之輝。仙列麻姑。合  
進金壘之酒。獻盤中之仙果。愧乏蟠桃。挹麾下之和風。爭來細柳。幸逢盛會。敢上微  
言。喜今朝益壽花明。和露更呈異彩。願此後恒春樹茂。參天總是交柯。行看豐功炳  
乎旂常。畫東漢雲臺之像。媿德垂諸簡冊。續南唐文憲之書。

學界男壽通用文

蓋聞天爵潛修。安宅之起居自適。書城坐擁。名山之歲月彌長。是以尼父年高。從心  
所欲。荀卿學積。美意能延鶴立之丰姿。自成淡古。鴻文之著作。時發鏗鏘。人第見其  
負負。漢福。翼翼。考祥。飄飄。然有風塵外意。朗朗。然如蓬萊中人。而不知其守真養和。  
樹德扶善。有以保固精神。登進壽考也。今年 月 日為

某某先生 秩榮慶。庭開麗景。屏敞晨霞。花含喜以迎人。酒孕香而介壽。景達尊者  
羅拜。仰儒宗者爭趨。莫不羨矣斯之辭。進參丘之頌。同人亦羣謀祝嘏。屬余為文。竊  
以河海之大。豈蠶管所能窺。山嶽之高。豈尋常所能測。觀富家之寶藏。宴人未許。知  
珍。過班氏之門前。拙匠寧堪弄斧。况乎文人談語。希事鋪張。世俗壽言。祇工頌禱。甚  
有未瞻文富。謬描洛社之圖。泛說程朱。誇耀儒林之盛。隨聲附和。信口揄揚。則又非  
某某等所敢出也。然而久欽道範。肯閱微言。敢借管城。謹陳大畧。恭維

先生鴻儒望重。碩宿名高。幼重彝倫。孝友篤於天性。長敦道義。知行根自古人。溯夫  
任昉在孕。懷墮一鈴。李嶠方孩。夢投雙壁。早擅無雙之譽。羣推第一之儔。子建之才。  
量之可得八斗。柳惲之技。分之足了十人。是以神劍騰輝。大材挺秀。象中相識。知此  
子為不凡。賦就見稱。謂江東之獨步。蕭雲奏曲。流水調絃。龍門自高。鸞羽彌潔。此  
先生之學行也。講鐘肄鼓。人作經師。恒帛庸絲。書迷聖義。縱青藍之相代。嗟黑白之  
易消。

先生探真氣於齡天。索靈珠於赤水。螢燈照葉。兔管吹花。問字酒來。束脩羊至。是正  
文字。不訛己亥之形。尚有典型。必虔庚子之拜。垂人師之令範。慕道者風從。孳後進  
以先程。達材者雲起。溥說禮敦。詩之教。樸樸作人。廣春風時雨之施。菁莪造士。宏宣  
木鐸。巧度金針。自樂鑄顏。不嫌難鄭。此

先生之教育也。至若儉以養廉。淡能生定。晏子之裘故敝。陸家之飯何精。粵考名流。  
首推恭德。

先生推仁惜物。節用勵身。粗糲自安。未晦翁維餐。脫粟。紛華悉絕。桓子幼不喜新衣。  
即今蔗境回甘。松喬祝慶。而布衾宁帳。不損素風。竹杖芒鞋。具饒雅韻。此又  
先生治身之約。可以厲侈風。而矯薄俗者也。秉此三德。萃於一身。宜其福祿來為。康



彊逢吉。涵濡太極。蔚為雲漢之章。淪淪天和。善葆圭璋之質。載瞻杖履。無任整軒。某等技乏雕龍。學慚畫虎。情殷捧筴。難為製錦之文。身愧傳衣。也傍催詩之鉢。缶鳴藉獻。反奏非工。所願君子萬年。頤期百歲。文昌遠耀。長增南極星光。書帶芬芳。永助蟠桃花色。

壽學界父文

夫弓冶箕裘。詳之於禮堂。構播穫。載之於書。凡參天拔地之材。必由於根本。長江大河之水。必出自源泉。故有太邱而後有陳氏。紀謀有老泉而後有蘇家。軼轍孝慈並茂。作述斯隆。溯聖訓於鯉庭。何嘗遠子。緬高風於馬帳。大有傳人。蓋詩書者承先啟後之良謨。而道德者益壽延年之左券也。宜乎九五福曰壽。洪範徵休。八千歲為春。靈椿不老。方今

中華民國煥發新猷。講求實學。政隆郅治。運啟文明。陶美鎔歐。廣采者縱橫九萬里。枕經胙史。考古者上下五千年。菁菁者莪。歌樂儀於君子。允允棫樸。頌壽考之作人。是以此斗泰山。韓退之之高風共仰。經義治事。胡安定之遺法同遵。矧其燕翼貽謀。鳳毛濟美。本淵源之家學。廣衣鉢之新傳。如

某某先生者。可謂福壽完人。鄉閭碩望。克融世誥。以樂曼齡矣。今年 月 日為

先生 秩華誕。壺凝春酒。屏敞晴霞。嘉樹恒春。靈花送喜。英俊追隨。老萊子。馬帳宏開。曾孫羅拜。武彞君。纓亭高會。攬南天之孤彩。挹北斗之瓊漿。桃宴凝祥。椿庭集祐。仰耆德者凡幾輩。爭來介壽之賓朋。景儒宗者若而人。半是再傳之子弟。莫不頌奚斯之一篇。進麥邱之三祝。庚星朗耀。子舍襲軒。哲嗣某某君。視膳問安。久承歡於平日。稱觥酌斗。殷祝嘏於良辰。北海開尊。挹菊泉以延嘉客。南陔戩穀。潔蘭澆以娛老人。融融焉。洩洩焉。備天倫之樂事。增閭里之榮光。不其盛歟。某某等或粉榆故舊。或桑梓後生。或列桃李之清班。或屬松蘿之戚誼。羣謀致祝。擬借文言。惟以般氏門前。拙匠豈容弄斧。后昇階下。孺子甯許彎弓。况天矯神龍。無事蛟雷之借響。襪襪威鳳。何須翠雀之增華。然而仰止丰儀。欲舒鄙悃。不辭謏陋。敢獻微言。恭維

先生魯國靈光。儒林尊宿。孝友篤於天性。幼重彝倫。知行根自古人。長敦道義。律身若黃叔度。允推顏子之稱。敦行若陳穎川。不愧仲弓之號。怡情山水。左太冲招隱有詩。惠贍親朋。范堯夫傾參為助。義方之訓。是篤燕山之桂樹。騰芳福田之種。既勤謝氏之芝蘭。挺秀花朝月夕。任老子之婆娑。時雨春風。看兒曹之教育。庾元規登臨有興。豈是清狂。馬伏波顧盼自雄。羣誇雙鑠。安高海鶴。襟寫雲泉。耆英畫洛社之圖。盛德合儕。文富。結首湖商山之老。風流不讓東黃。得氣之春。受天之祐。年彌高而德彌



邵。斯蔗境之常甘。家之基亦邦之光。自來臺之叶慶。際此懸弧令旦。攬揆良辰。名士筵開。老人星煥。歌詞醜爵。未敢泛詠岡陵。上壽稱觴。竊喜叨陪羊酒。岳鳴藉獻。瓦奏非工。率作駢詞。聊當南山之頌。應知鶴算。常添東海之籌。

壽學界母文

夫載福無疆。乃坤之厚。樂善不倦。實壽之基。是故寶婺星輝。亘九天而永耀。長明燈靜。歷千載而猶青。或以為仙桂月中生。自枝榮而葉茂。金萱天上種。斯蒂固而根深。不知雪霜經歷。松柏益堅。筠節之貞。飢渴關懷。菩薩本具慈悲之相。福田之刈。獲無窮。絳縣之甲子。自永。得氣之春。受天之祐。豈偶然哉。良有以也。恭維

某母某太夫人。系出名門。夙承家訓。生而令淑。曾吞女史之花。長善工容。克製天孫之錦。瓊瑤是飭。爭說名姝。婉婉自然。無煩傳母。四德俱備。七誠能通。內言不出於閨門。令譽早傳於里閭。溯其所自。應為織室之天仙。比及相依。却在書香之家世。井邊行汲。汝南早識其壺儀。堂上留賓。安東先知其婦德。

太翁某某先生。好述既詠。內助實多。王夷甫之高風。耽言阿堵。宗少文之逸興。耽念卧游。而

太夫人沃盥之餘。親操井臼。鳴琴之暇。常潔酒漿。錡金篚宮。式協中閨之禮。蘋蘩蠶

藻。載彰內則之風。鄭絳秦篝。勤織紵以代匱。男錢女布。量出入以節財。孟德曜鴻案相莊。桓少君鹿車共挽。雖古名媛。何以加焉。至夫玉燕懷投。石麟天降。

太夫人飲食教誨。保抱提攜。年甫勝衣。便馳文苑。禮爛舞勺。即擁書城。守王氏之縹緗。挺謝家之寶樹。給熊丸以資膏火。光燃太乙之藜。分雞黍而餉嘉賓。屋聚賢人之里。無何而紫芝人遠。黃鵠歌沈。追念遺經。更勤勸學。歐母仁厚之志。必推本於崇公。敬羨勞逸之箴。懼隕聞於穆伯。丹絳青簡。如登大小酉之山。玄圃夜光。似入東西陸之室。孟機之教。既嚴。寶桂之芳。斯烈。詰嗣某某學富五車。才多八斗。芝蘭在室。足慰高堂。桃李盈門。爭瞻紗幔。固已極天倫之樂事。享人世之榮名矣。今年月 日為

太夫人 旬華誕。葵宮煥彩。萱室凝麻。福草含嘉。靈花送喜。西崑阿母。趨鶴駕以遙臨。南嶽夫人。緘鸞書而展謁。凡在孔李之通家。仰歐陶之懿範者。莫不振衣恭謁。願隨菜子之班。上壽奉觴。爭進麻姑之酒。今夫享壽者。由於天錫。而祝嘏者。本乎人情。當此堂北萱榮。池西桃熟。庭闈之內。兒曹抒愛日之忱。里鄰之中。親友切下風之拜。則舉祝釐之典。稱介壽之觴。雖輝煌金碧。充物於庭。雜沓賓朋。交錯於路。儀章體薦之物。駢羅而疊陳。擊拊吹鼓之音。簇居而迭奏。效仙家之盛會。博壽母之歡心。誰曰不宜。甯以為泰。乃

太夫人以為壽亦何榮財毋妄費儉乃美德侈實澆風叔水承歡即是悅親之道家  
庭燕樂便為娛老之方何必拘於世俗過為鋪張哉蓋慈訓煌煌欲以救浮華之陋  
習而孝思耿耿總難忘聖善之恩勤莫揚太妣之徽音乞假奚斯之頌語某某等  
或托蘇程之戚或聯紀羣之交望藹藹之眉梨看雍雍之騰鞠欲伸悃札敢上徽言  
義不取諛事皆從實此日兕觥介祉咸瞻媿耀之常明他年鶴算添籌永卜春暉之  
不老

壽學界妻文

自來磊落瑰奇之士端資內助之賢淹通鴻博之儒每有同心之偶是以斷機勗勵  
樂羊之學業乃成懿壽殷情冀缺之令譽以廣鹿車共挽溯淑德於鮑桓鴻案相莊  
景高風於梁孟莫不垂為壺範播為美談而况宋弘糟糠安於貧賤劉綱伉儷望若  
神仙平分繡閣春風涵濡教澤抽出機絲錦綺襄助文明如

某嫂某夫人者行履之和得坤之厚宜其康強逢吉福壽無疆也恭維

夫人系出名門夙承家訓壯姝表度婉婉修儀幼行已異於常人淑德自合乎古訓  
當其嬰兒未嫁靜女其孌循循師氏之箴媿媿頌人之德人言不聞於昆弟令譽早  
播於鄉鄰其歸

某某先生也王謝家聲平訂絲蘿之雅劉樊隱德不求軒冕之榮惟是王行高風羞  
言阿堵杜預書癖不問家常

夫人酒食是宜工容悉備榛栗棗脩之奉告潔告虔蘋蘩蘊藻之儀必誠必敬受辛  
若婦晨昏任齋白之操作健如男內外助業砧之力女布男錢之出入寸絲半粟之  
經營棘手忘劬蘭心矢肅紡磚月落機聲與書味同清角枕星移昧旦與雞鳴共警  
吉人心小維習柔儀賢婦譽高不形於色牛衣耐冷未聞交謫之聲馬壁安貧長表  
如賓之敬遂使下帷董子策究天人鑿壁匡衡學通今古儒宗共仰門前之桃李千  
行經笥咸推腹內之詩書萬卷此固由過室之潛修要亦賴深閨之贊助也今年

月 日為

夫人 旬華誕瑤階設悅綺席稱觴祥開益壽之花瑞獻長生之果西池玉液挹仙  
府之酒漿東海琅璈和後堂之絲竹莘莘學子藹藹吉人莫不恭講登堂奉觴上壽  
絳紗隱約幔幃靈娥錦字輝煌屏開雲母皆以詠歌懿德揚寫閭儀頌天保之九如  
效華封之三祝某某等夙欽內教敢拜下風羣謀祝嘏之詞聊表侑觴之意惟是圖  
畫仙靈之狀丹青擊悅之文類皆鋪耀芝田披張霞訣否則濫陳川阜泛祝岡陵則  
徒託空言何關實事如

夫人之柔嘉維則。令德孔昭。或云儉而中禮。勿事釵鐙。或云泰而能謙。仍安荆布。或云仁恕於臧獲。怒無愬彼之逢。或云周恤於親朋。好有知來之贈。惠施及人。頌聲盈耳。故其慈足以召福。其和足以致祥。溫恭所以格天。淡泊所以養壽。坤貞叶吉。美意延年。不亦宜乎。際此良辰。欣逢華誕。眉梨在望。騰鞠維殷。雖筆愧生花。文非垂露。且學班門弄斧。權當海屋添籌。聊舉大凡。聿揚微德。敢憑俚語。敬祝長齡。喜今朝長樂花明。和露更呈異彩。願此後恒春樹茂。參天總是交柯。將見孤彩爛輝。中天合耀。木公金母。仙客同來。則所以應黃髮之祈者。並以踐白頭之約也。

商界男壽通用文

蓋聞書稱五福。聿美遐期。詩詠百宜。惟推洪算。德之厚者。心自廣。善之積者。慶有餘。既潤屋而又潤身。斯多福更徵多壽。康強逢吉。非休徵相逼而來。耄耋頤期。實造物因材而篤。是以馬伏波躬耕致富。實成興漢之功。范少伯畜牧起家。猶是沼吳之策。一則精神豐饒。一則歲月優游。各著令名。同徵壽相。故在市井。則為小試。在廟廊。即是宏猷。雖所遇於世者或殊。而所得於天者自厚。如

某某先生者。順志葆貞。和光抱璞。松姿在望。葵向彌殷矣。恭維

先生魯國靈光。商家泰斗。孝友篤於天性。知行根自古人。家世清華。襟懷卓犖。世稱篤行。並通德於鄭門。室有遺經。比宜春於左里。早年勤學。披王氏之青緇。壯歲謀生。負朱公之奇策。農有粟而女有布。咸資易事通功。天之生而地之成。羣仰應時候。物總出機絲之緒。經緯萬端。全歸掌握之中。利市三倍。古心古貌。先民之遺矩猶存。實行實修。有道之令聞無忝。古有西州大賈。南陽行商。高士韓康。隱身於賣藥。名賢膠高。寄跡於魚鹽。方我

先生。其揆一也。且也穆穆守和。孳孳為善。雅量如黃叔度。千頃波澄。功德若陳太丘。一山桂馥。遇大事則急公好義。鄭人喜有弦高。敦朋情則多與分金。管仲欣逢鮑叔。范堯夫麥舟之助。竇禹鈞遺金之還。德僅耳鳴。事難指數。宜其植鴻基於不朽。市塵仰為偉人。絲鶴算以無窮。杖履望如仙客。蕃祺翕受。第祿駢臻。今年 月 日為

先生 旬榮慶。凡有絲蘿之親。與夫金蘭之誼者。羣謀祝嘏。以佐稱觴。夫魯侯作宮。奚斯有頌。晉卿成室。張老有詞。莫不假乎微言。傾其悃臆。是飲酒落成者。猶有美奐美輪之贊。豈奉觴上壽者。轉無祝鯁祝噎之文。際此懸弧令旦。攬揆良辰。祥開益壽之花。瑞獻安期之棗。羨香山之九老。畫裏生風。看瓊島之二峰。人間春永。瀛洲金菜。長生之藥。何窮。壺嶠芸蓬。扶老之枝。自長。况值海宇承平。閭閻殷富。國家真有道之基。人民享無疆之福。喧闐闐闐。懋遷有無。雜沓梯航。交通貨賄。喜舒長之化日。映炳朗





之壽星。屏啟晨霞。壺凝春酒。瞻望南天。孤彩嘉賓。爭鳧鳥之趨。遙傳東海。瑯琊仙子。譜蛻裳之曲。酒斟北斗。悉是瓊漿。桃獻西池。無非仙果。某某等夙企高風。恭逢盛會。雖霍光不學。周勃無文。王子安之腹藁已空。江文通之夢花早謝。圖倕佺之像。筆愧寫生。和啟期之琴。歌慚下里。然如

先生之修道養壽。美意延年。藹藹兮眉梨。休休兮大度。客皆鼓舞。歡傳海屋添籌。余亦媚茲。竊效華封致祝。泰階景運。願丙丁之極耀常輝。絳縣疑年。卜甲子之算籌。庶盡。

### 壽商界父文

大椿暘陰。行八千歲之春秋。洪範陳疇。備九五福之壽富。九如載賡。夫天保。三多擬祝於華封。不曰堂構之相承。即曰箕裘之克紹。鳳毛濟美。鳩杖怡情。人弟見其純固。葆真。優游沐道。自提養生之印。無假引年之方。不知德厚信。積之者裕。機翔祐集。應之也神。謝氏之芝蘭。芬芳滿室。賈家之桂樹。蒼翳參天。飛令譽於市場。操勝算於商戰。豐盈坐享。頤養安居。陶彭澤稱陸地神仙。韓昌黎是人間山斗。稽之古人。不多覲焉。惟我

某某先生。大才天賦。實業躬親。手握牙籌。人奉高曾矩矱。年尊眉壽。羣欽耆老丰儀。貨殖書成。喜有象賢之繼述。懋遷術擅。不求龍斷之私登。此固薄俗之靈光。實亦後生之圭臬也。今年 月 日為

先生 旬華誕時。則海宇宴安。閭閻豐阜。國家奠有道之基。人民享無疆之福。通闡帶闡。商旅駢臻。航海梯山。賈琛麇集。呈大和之象。化日舒長。叶人瑞之徵。壽星炳朗。詰嗣某某。襲高堂之盛業。承寢室之歡心。將開北海之尊。以頌南山之壽。同人聚謀。祝嘏擬假文言。乃命鯁生。屬陳駢語。竊念霍光不學。周勃無文。王子安之腹藁久空。江文通之夢花早謝。未習陽春之曲。徒慚下里之歌。欲描洛社之圖。愧乏寫生之筆。若夫濫陳川阜。泛說岡陵。循世俗之壽言。祇工頌禱。效文人之諛語。尚事鋪張。則粉飾之辭。甯足表善人之德。過情之譽。詎能揚君子之風。皆非 某某等所敢出也。謹以平日之所欽遲者。陳其大畧。衆情之欲歌詠者。備我俚詞。

先生世德清華。襟期卓犖。孝友篤於天性。幼重彝倫。知行根自古人。長敦道義。不求聞達。左太冲招隱有詩。小試經商。陶朱公致財有術。雅量如黃叔度。千頃波澄。功德若陳太丘。一山桂馥。遇大事則急公好義。鄭人喜有弦高。敦朋情則多與分金。管仲欣逢鮑叔。古心古貌。先民之遺矩猶存。實行實修。有道之令聞無忝。義方訓子。早同王祐之樹槐。慷慨濟貧。更喜堯夫之助麥。宜其植鴻基於不朽。市廛共仰。老成詒燕。

翼於無窮。鄉里咸尊齒德。蓋由器宇深沈。具有中正和平之美。斯精神強健。發為熾昌耆艾之祥。菊開晚節而彌香。椿享大年而永茂。修道養壽。史遷之語。甯誣。美意延年。荀子之言。益信矣。茲值懸弧令旦。攬揆良辰。凡在孔李通家。陳雷友誼。或托松蘿之蔭。或關桑梓之情。喜桃宴之宏開。聽霓裳之迭奏。庾元規登臨有興。羣看老子婆娑。馬伏波顧盼自雄。爭羨是翁矍鑠。莫不踴躍濟濟。肅肅雍雍。頌矣斯之一篇。進麥邱之三祝。某某等久仰鴻儀。幸逢盛會。看到南天弧彩。相將鞠脰而登堂。挹來北斗瓊漿。敢附萊班而上壽。永願庚星之耀。常騰子舍之歡。年年樹茂恒春。歲歲花開益壽。好覓商山四皓。偕綺黃東用而同游。從教瀛海三山。看壺嶠蓬萊之鼎盛。

壽高界母文

雲開絳闕。正壽星初見之期。花發幔亭。乃太姥遙臨之會。山不老而川不息。地兆休徵。日之恒而月之升。天開壽寓。淮王仙客。爭上椒漿。梁苑才人。敷揚萱頌。則有鍾型郝法。樹令則於千秋。歐狄孟機。流芳聲於百禩。清芬所播。彤管聿昭。母揚聖善之風。子叶克家之吉。璇閨式訓。增女界之榮華。寶婺騰輝。煥中天之光耀。如

某母某太夫人者。豐亨坐享。頤養安居。扶鳩杖以怡情。看鳳毛之繼美。多福多壽。猗歟休哉。今年 月 日為

太夫人 旬榮慶時。則海宇宴安。閭閻殷阜。國家奠有道之基。人民享無疆之福。呈太和之象。化日舒長。叶人瑞之徵。壽星炳朗。哲嗣某某。負端木之奇才。學韓康之小隱。紹箕裘之世業。振堂構之家聲。經緯萬端。總出機絲之緒。利市三倍。全歸掌握之中。陰襲鴻基。歡承燕寢。恭逢設悅。快睹稱觴。凡我同人。願隨萊彩之班。共祝萱幃之嘏。惟念魯侯燕喜。奚斯有詞。太姒徽音。周人有頌。而况習聞坤德。無任欽遲。不潤飾以文章。曷導揚乎盛事。乃以楮墨之役。屬之鮪生。爰將斗掌之祈。假諸駢語。不揣譎陋。敢陳大畧焉。

太夫人系出名門。夙嫻姆教。莊姝表度。循循師氏之箴。婉婉脩儀。媿媿碩人之德。當嬰兒未嫁。爭說佳人。為韓姑相攸。欣逢君子。迨吉則詩賡灼灼。于歸則年始盈盈。蘋蘩蘊藻之儀。必誠必敬。榛栗棗脩之奉。告潔告虔。孟德躍推髻布裙。相莊鴻案。桓少君提甕出汲。共挽鹿車。紡磚月落。龜手忘疲。角枕星移。雞鳴戒旦。女布男錢之出入。秦篝鄭絡之辛勤。固已儉德咸欽。壹儀共仰矣。乃

太翁某某先生。歲遇龍蛇。賦悲鵬鳥。遽赴玉樓之召。竟貽漆室之憂。太夫人六珈虛偕老之期。兩髦增未亡之痛。將離慘淡。星霜墮地之餘。單鵠悲涼。風雨連天之日。然而忠臣義士。輒遺窮途。孝子慈孫。每嬰家難。花有血而偏暈。竹非淚



中国国家图书馆  
NATIONAL LIBRARY OF CHINA

而奚斑。假令履滿持盈。安豐處順。木皆連理。草盡合歡。偕柳下以終身。賦桃夭兮共老。惟見甘臨之吉。誰知苦節之貞。

太夫人城崩一痛。石化三年。碧海蒼天。視之夢夢。青春白晝。對之茫茫。始而自矢。靡他。願隨地下。繼則攜將弱息。偷息人間。髮屢截而已。斑膽未丸而先苦。卒使芬芳滿室。植謝氏之蘭。蒼翳參天。挺竇家之桂。甘回蔗境。祐集萱堂。此段用之節婦尤宜。即中年寡居者亦宜。某某等或誼托松蘿。或情關桑梓。時通問候。頻相往來。在原之情。兼敦乎中外。升堂之敬。如侍乎晨昏。往往互舉家箴。並陳母範。用敢操毫紀實。端牘寫真。反奉非工。缶鳴藉獻。此日兕觥介祉。欣看天姥之高峯。他年鶴算添籌。永駐瀛之仙景。松姿鶴髮。知北堂之福壽無疆。蘭膳鯉羹。亦南陔之孝思彌盡也。

壽商界妻文

夫關雎列國風之首。好逑即繼以宜家。易象見天地之心。乾健必資乎坤順。是以舜有皇英而興。周得邑姜而王。閨內相同乎患難。夙踐沼吳。閨中知戒乎懷安。重耳返晉。斷機勗勉。樂羊之學業乃成。鮒耨殷勤。冀缺之功名以顯。自來創大業。建鉅勳者。莫不有佳耦之妃。內助之賢。則夫樹鴻業於商場。實由鴻案相莊所致。誇雞林之善賈。多自雞鳴戒旦而來。於以協修齊之道。得陰陽之和。淑德聿揚。休徵自至。播人間

之佳話。增女界之榮光。如

某嫂某夫人者。巽順無愆。豐亨有慶。姚聲女憲。標譽禮宗。宜其純淑。天錫弗祿。爾康。今年 月 日為

夫人 旬榮慶時也。風和物美。人壽年豐。凡芸芸總總之傳。有崑崙熙熙之樂。通闕帶闔。競三街六市之繁華。航海梯山。盡四達五康之便利。列市之貨賄山積。遠方之琛賚雲臻。象協泰平。星明媿彩。則有福草含嘉。靈花送喜。天開壽寓。何殊閬苑風光。春永蓬壺。自是瀛洲瑞氣。座上列安期之棗。東海籌添。筵前呈金母之桃。西池盤進。藹藹之紫雲。遙至。隨鶴駕以爭趨。翩翩之青鳥。飛來。緘鸞書而展謁。屏張雲母。畫出仙靈。機借天孫。織將錦字。皆以詠歌懿範。揚寫坤儀。某某等快睹稱觴。羣謀祝嘏。謂燕譽之風肆好。鸞幃之月常圓。鳳凰之鳴。亦既協吉。鴛鴦之頌。安可無文。命不才操觚。為名媛介祉。竊不自揣。敢述所知。

夫人月府靈娥。霓裳仙子。偶然小謫。合享大年。幼秉慧心。長嫻姆教。當嬰兒未嫁。為韓姑相攸。坦腹東牀。欣逢逸少。同舟西子。爭羨陶朱。於是帶結同心。琴彈靜好。劉樊偕隱。不求軒冕之虛榮。梁孟高風。且向市廛而混跡。

夫人則幽閑貞靜。克備無遺。德容言工。悉臻盡美。受辛者婦。晨昏勤齋。白之操。作健

如男。內外助。藁砧之力。紡磚夜月。久而忘劬。蕝葛秋風。服之無數。榛栗棗脩之奉。潔告虔。蘋蘩蘊藻之儀。必恭必敬。女布男錢之出入。寸絲半粟之經營。平居則悉屏侈華。賓祭則必求豐潔。儉而中禮。富而無驕。嫺姪雍容。戚鄰咸懷其淑慎。門庭嚴肅。賦獲兼感。夫恩威。

某某先生閨闈既得令妻。市井遂成巨子。農有粟而女有布。通工易事之相資。天之生而地之成。候物應時之有術。利市三倍。咸歸掌握之中。經緯萬端。半出機絲之緒。木名連理。蘭是同功。泰運欣逢。坤亨叶吉。雍穆得柔嘉之則。安和召福壽之徵。俾感俾昌。如山如阜。某某等德門共仰。壺範久欽。大地春長。淑氣萃金閨之福。中天星朗。祥光瞻寶婺之輝。筆愧生花。文慚垂露。裁桃花之紙。未殫芳徽。掃筠管之烟。難揚令範。春秋八千。以致祝。試描益壽之圖。駢儷四六。而為文。且效聯珠之體。

賀雙壽詩

五律

南極星初現。西池宴復開。雙星天上迴。連理日邊栽。花繞芙蓉帳。香飛鸚鵡杯。百年方燕爾。笙鶴下蓬萊。

其二

七律

美君佳耦復齊年。遲日春風啟壽筵。絳縣正添新甲子。珠樓並坐兩神仙。紅牙好譜雙聲曲。青鳥紛啣五色箋。相伴維摩有法喜。逍遙同住大羅天。

壽政界詩

五律

喜遇懸弧日。南山句試賡。萬家生佛仰。一路福星明。耆耇萊臺頌。謳歌草野情。倘教圖洛社。應共羨耆英。

其二

七律

瑞草頻添滿砌萱。好將春酒祝遐齡。淮南賓客多仙侶。方朔風標是歲星。父老久蒙甘露澤。山川新勒醴泉銘。蒼松翠柏參天處。瞻望南山分外青。

壽政界父詩

五律

長庚耀南極。紫氣自東來。老子壽者相。佳兒濟世才。孤懸華屋麗。彩舞錦堂開。願進延齡酒。相從羣彥陪。

其二

七律

蒼蒼珍木倚青霄。絳老申推甲子遙。室內芝蘭欣繞膝。階前金紫看橫腰。翩翩賓客紛珠履。裊裊歌聲奏玉簫。如此風神真矍鑠。桃花不及醉顏嬌。

壽政界母詩

五律

畫閣鳴環珮。珠樓接翠微。雲飛王母使。日映老萊衣。鶴髮人間瑞。冰輪天上輝。板輿

勤祿養綵悅更增輝。

其二 七律

闕閱聲名播梓桑。近看寶婺吐輝光。蟠桃春酒霞同艷。萱草秋容晚更香。池上鳳凰應有種。庭前鸞鷲已成行。不須遠覓蓬萊使。百歲重開畫錦堂。

壽政界妻詩 五律

共道絃歌好。還知同治良。柳深偕度曲。花滿各分香。步月隨鳧影。停鍼待繡裳。甘泉流不盡。醴酒祝無疆。

其二 七律

夫人淑範重簪裾。雲鬢朱顏畫不如。開宴喜陳方朔肉。斷機曾勗樂羊書。魚軒歸閣鳴環珮。羔酒躋堂問起居。都下千秋傳盛事。還看笙鶴集庭除。

壽軍界詩 五律

節近懸弧日。旌旗映彩觴。畫同眉壽永。算並纓絲長。柳塞謳歌徧。雲臺姓氏揚。臨風聊寄意。俚句愧膚颺。

其二 七律

雲開海屋喜添籌。白鶴瑤笙下十洲。幕府談兵依大樹。戟門校獵識輕裘。功勳久已

標銅柱。矍鑠爭看杖玉鳩。勇略自來推郭李。功成不羨赤松游。

壽軍界父詩 五律

盛事多耆老。安居享鼎鐘。青雲騫綵鳳。紫氣識猶龍。萊舞壬林祝。花明甲帳重。無勞訪五嶽。此地即仙蹤。

其二 七律

人間富貴極尊榮。眼底旌旗瑞靄呈。兕酒介眉逢攬揆。鳳毛濟美作干城。壬林祐集大椿樹。子舍歡騰細柳營。更看三軍爭致祝。將星長傍壽星明。

壽軍界母詩 五律

華堂錦帳開。瑞氣靄樓臺。花下鸞聲度。筵前羽騎來。酒爭鈴閣進。人御板輿回。萊彩斑斕舞。應知五色裁。

其二 七律

麒麟閣下啟華筵。鶴髮鳩筇望若仙。芝草遙連萱草秀。壽星高並婺星懸。珠簾影拂將軍樹。銀燭光分幕府蓮。劍佩衣冠看濟濟。相隨萊綵舞迴旋。

壽軍界妻詩 五律

錦設華堂悅筵開。碧玉尊。花欣萱幄茂雲看。柳營屯。上將威儀肅。恭人態度溫。饒歌



高唱處旌旆擁魚軒。

其二 七律

彤管從來紀壺儀。况如鍾郝洵堪師。丁年射雉曾含笑。甲帳稱觴應解頤。靄靄絳霄連海屋。翩翩青鳥度瑤池。相看璇閣陳春酒。劍佩雍容競介眉。

壽學界詩 五律

吾愛龐居士。高吟興自賒。琴鳴松子落。棋罷月痕斜。玉案麟為脯。金盤棗似瓜。近聞太史奏。星聚屬君家。

其二 七律

孤矢初懸甘露凝。同人載酒賦岡陵。風和絳帳歌筵啟。月映清波講席澄。海上鶴籌剛益紀。雲中鳳羽卜飛騰。名山壽世文章在。會見先生自此升。

壽學界父詩 五律

孤彩南天朗。華堂瑞靄濃。稱觴來謝鳳。繼美有荀龍。絳帳聽歌舞。青山傲鼎鐘。及門小桃李。椿蔭仰重重。

其二 七律

南極星明映少微。釋冠筇杖古來稀。銜杯日就青山醉。結伴長從白社歸。千里驛騶

多蹀躞。一庭蘭桂自芳菲。鹿門喜覩龐公在。海鶴風姿洵可依。

壽學界母詩 五律

馬帳承歡日。剛添海屋籌。斷機爭說孟。畫荻共欽歐。桃宴陳珍錯。蘭陔潔膳羞。仙葩開益母。瑞合樹瀛洲。

其二 七律

鳩杖閒扶鶴鬢垂。萱花搖曳萬年枝。欣逢稱兕介眉日。應憶丸熊截髮時。麟脯遙從仙掌擘。鳳笙遠向綺筵吹。彩衣好看萊班舞。爭誦南山松柏詩。

壽學界妻詩 五律

錦悅設華堂。良辰快舉觴。鶴籌欣益算。鴻案喜相莊。樂奏壽人曲。詩歌燕喜章。中天星朗朗。婺彩映文昌。

其二 七律

壺儀自昔仰莊姝。此日稱觴倍快愉。天上祥雲來織女。庭前瑞靄降麻姑。吟聯柳絮同心集。果獻蟠桃益壽圖。更有彭宣傾耳聽。後堂絲竹極歡娛。

壽商界詩 五律

矯矯風塵外。真成大隱名。鄉閭尊齒德。闈闈仰經營。杯獻餘杭酒。歌傳緱嶺笙。三多



無待祝。杖履羨身輕。

其二 七律

祥雲四面繞樓臺。喜遇朱公壽寓開。九老圖中堪結伴。三山海外欲飛來。松姿矍鑠扶筇杖。桃宴芬芳醉玉杯。大隱而今多在市。笑看南澗采芝回。

壽商界父詩 五律

屈指三多祝。君身享已全。大名欽北斗。極耀煥南天。貨殖張鴻業。箕裘有象賢。扶筇看采舞。何事羨神仙。

其二 七律

八千春又八千秋。仰望莊椿綠蔭稠。繞膝鳳毛欣濟美。傳家燕翼早貽謀。綺筵開處瓊漿液。弧綵懸來瑞靄浮。聞說神仙常在市。醉人花下即丹邱。

壽商界母詩 五律

亦自堪行樂。何勞捧檄回。紫雲天外落。青鳥日邊來。梓舍有猗頓。萱庭舞老萊。稱觴奉壽母。應識笑顏開。

其二 七律

和風搖曳萬年枝。正是萱闈設悅時。此日蘭羞看鼎養。當年荻畫溯坤儀。雲連玉樹

依庭砌。月映金波射酒危。有子克家推貨殖。敢歌壽母效奚斯。

壽商界妻詩 五律

久識梁鴻婦。柔嘉共仰欽。雞鳴常戒旦。黽勉訂同心。鄉感夫人斛。家多鮑叔金。芳辰逢設悅。俚句頌士林。

其二 七律

陶朱致富術如何。要識深閨內助多。雲漢錦機勞織女。月宮靈藥壽姮娥。筵開堂上祥光繞。曲奏房中仙樂和。酌兕躋堂更致祝。恒春樹影永交柯。

賀雙壽函

敬肅者。詩歌采艾。正深三月之懷思。頌叶

如松喜見

雙星之炳朗。敬維

桑弧煥采。

錦悅延麻。笙磬同音。

燕譽之風肆好。

瑟琴靜好。

鸞幃之月長圓。

齊眉增伉儷之榮。頤期百歲。拜手上。

鴛鴦之頌。福祿萬年。某亮趨跡阻。燕賀情殷。效放鶴以舒忱。吮墨而詞慚。郢下。聽關

雎之合德。傾丹而樂獻

房中。長樂花開。定知

並蒂。恒春樹茂。永祝

交柯。肅脩蕪簡。恭賀

榮禧。祇頌

潭福。

此函各界都可通用。即人民壽長官。下屬壽上司。但須首聯改(口)碑載道。正聽四野之謳歌。眉壽稱觴。喜看雙星之炳朗。亦可用矣。

賀人父母雙壽函

敬肅者。信風迢遞。常通驛路之郵。

愛日舒長。喜遇

高堂之慶。敬維

椿庭集祐。

萱室延麻開

百年伉儷之筵。陳

五福康強之範。

孤耀興悅。華並燦。燕寢承歡。

極星偕耀。彩齊明。兕觥介祉。

八鸞合奏。霓裳之曲。

一鶴雙銜。海屋之籌。

偕老齊眉。同聲祝嘏。某奉觴有願。恭講未遑。仰企

松喬。拜手彌殷。鳩祝。敢傾葵藿。濡毫聊壯駢詞。恭慶

雙壽。並祝

千春。即頌

待祺。萬福。

此函亦均可通用。如欲分切各界。則將中間(燕寢承歡。兕觥介祉)兩句改換。政界。則用(槐署承歡。棠衣舞彩)兩句。軍界則用(看壬林斗筆之祈。映子舍旌旗之色)兩句。學界則用(燕寢承歡。鯉庭舞彩)兩句。商界則用(闡闡增光。門庭溢喜)兩句。餘可通用。

賀男壽函





敬肅者久隔

芝輝。蟻忱時切。欣逢

華誕。兕祝彌殷。敬維

祥開亥算。

慶協壬林。

八千歲為春。樹茂莊椿而庇蔭。

九五福曰壽。疇陳箕範之康寧。由來

乾健之運行。自卜

頤期之永享。

松姿翹企。藻頌無任。某駒駛徒驚。鳩庸如昔。每有懷於趨鳥。欲附

香山九老之游。喜在望之

懸弧。敢效華封

三多之祝。書憑雙鯉。鑑上

千秋。祇請

台安。伏希

垂鑒。

此函係男壽通用。學界商界均可。惟用之政界軍界。則欲附香山九老之游。或改得近福星一路之光。口氣較合。如更欲分切各界。則祥開亥算。軍改亥算。為甲愜。學改乙枝。商改亥市。政界則改下句為慶。申生。松姿。兩字。政界改棠陰。軍界改柳營。更切。

賀人父壽函

敬肅者。竊以自來食福。必歸

積善之家。從古延齡。原屬

脩身之士。望

橋木之增榮。看芝田之茁秀。恭維

椿庭集祐。梓舍騰懽。

膳潔南陔。侍

寢門而奉養。

籌添東海。開

壽寓以延釐。

教子成名。扶鳩杖而優游自樂。

長庚煥彩。酌兕觥而怡養天和。引領



卿雲傾心祝露。某鳧趨跡陔。燕賀情殷。莫隨菜綵之班。香分

桃宴。願效華封之祝。慶協

松齡。肅修鯉簡。敬賀

鴻禧。並頌

侍祺萬福。

此函凡壽人父者皆可用。如欲切政界。則(酌兒航)三字。改(撫鶴琴)欲切軍界。改(問龍韜)欲切學界。改(坐鑾堂)欲切商界。改(裕鴻基)。

賀人母壽函

敬肅者。竊以恭輯登堂。共拜虞侯之

母。傳經設幔。咸瞻

宋氏之師。

坤德聿昭。頤期自壽。敬維

萱闈納祐。

桃宴延禧。酒開

金母之頤。

草樹玉堂之背。

治家有道。爭傳

歐孟之徽音。

教子成名。喜見龔黃之政績。

鶴齡算永。鳩祝懽騰。某喜遇芳辰。恭逢

華誕。愧野芹之遠獻。拒衣疏敬謁之文。頌

慈竹之長春。載筆上吉祥之語。肅緘祇請

侍安。並叩

萱壽。

此函宜用於壽政界母。若軍界。應改(喜見龔黃之政績)句。為(喜看李程之將星)學界。應改為(喜見機雲之才調)商界。應改為(喜看陶朱之貨殖)餘皆可通用。

賀人妻壽函

敬肅者。鴻猷遠隔。罕親

芝宇而馳依。鵲報遙傳。快聽

蘭闈而稱慶。敬維

珩璜介祉。

琴瑟和聲。



中国国家图书馆  
NATIONAL LIBRARY OF CHINA

鸞笙奏合樂之章。祥開錦悅。

鴻案協齊眉之慶。喜溢霞觴。仰

內助之多能。卜

大年之永享。

賢稱柳婦。早傳青幔之名。

仙列麻姑。合進碧筒之酒。

芳徽引企。藻頌彌殷。某燕賀有懷。鳧趨未遂。上

寶笈長生之籙。脩詞聊壯私忱。看

仙葩連理之枝。祝嘏載歌偕老。肅誠奉賀。祇請

儷安。並賀

潭福。

此函普通可用。欲切政界。改(仰內助之多能。卜大年之永享)兩句。為(袞衣與象服齊輝。卿月與婺星並煥)切軍界。則改為(瞻象服之是宜。映龍韜而益煥)切學界。則改為(蟠桃視書帶而彌妍。婺宿傍文昌而益朗)起處(芝宇)二字。亦須政改(槐署)軍改(柳帳)學改(蔡閣)商界可不必改。

### 謝賀壽函

敬復者。猥以賤辰初度。既荷

琅函之獎飾。復蒙

珍品之寵頒。敢不拜

嘉。曷勝感謝。敬維

醇情綺篤。

雲誼高騫。

五色迷離。錦繡煥文章之彩。

百朋分列。瓊瑤增璀璨之華。道雖遠而不遺

儀以多而畢備。

拳拳備至。耿耿難忘。某鮮淑堪陳。摘平可告。保茲晚節。冀免隕越之貽羞。感切

良朋。遠望

箴規之時錫。敬領

厚貺。端布謝忱。復請

台安。諸惟

亮察。

此函係謝人壽已者。於謝人壽妻。亦可通用。惟(賤辰初度)改(內子誕日)係茲晚節)四句。改為(雅誓布裙)幸有安貧之健婦。金針玉律。還賴規過之良朋。

璧壽禮函

敬復者。駒光迅駛。馬齒徒增。方蒲柳之增慚。詎桑蓬之足念。乃荷醇情綺篤。

吉語寵頒。

錦繡輝煌。目既迷於五色。

瓊瑤璀璨。錫實過於百朋。道雖遠而不遺。

儀以多而畢備。某恒居鹿鹿。服

德拳拳。未潔清樽。敢虛

嘉祝。謹仿相如。

璧返。以銘我心。還期

叔度波涵。勿來予責。所願鴻郵有便。

鯉簡時頒。

勗以金玉之音。俾作韋弦之佩。庶幾保茲晚節。免隕越以貽羞。亦且感切

良朋。藉切磋而受益。肅函鳴謝。祇頌

台綏。

謝入壽父母通用函

敬肅者。奉到

惠函。以家嚴壽辰。辱承

厚貺。多珍。敬領之餘。感謝無極。敬維

德以日茂。

福與歲增。

錦繡逆頒。目既迷於五色。

瓊瑤寵錫。感實過於百朋。

獎加飾而逾情。

儀以多而畢備。敢云

璧返。愧乏瑤酬。某子職謹循。丁年虛度。差幸家庭教適。守古人樸質之風。還期

金玉頻頒。得

良友切磋之益。薰緘鳴謝。奉命拜

嘉復頌。

台綏。諸惟

愛照

婚娶

結婚證書

署名處。證婚及介紹人。或兼書職銜學位。新郎新娘。或兼書年庚於姓名下一行。

蓋聞二南之化。始自關雎。五世其昌。兆占鳴鳳。此男女所以求百年之好。而婚姻所以為萬福之原也。今某某君與某某女士。均出名門。洵稱佳耦。宜其雀屏中選。應諾如金。自應燕婉云諧。相倚如玉。爰於本年 月 日。行結婚禮。秉紅燭以催妝。指青廬而交拜。看此日桃花灼灼。宜室宜家。卜他年瓜瓞綿綿。爾昌爾熾。用借畫眉之筆。書向鴻箋。好將嚙臂之盟。載明鴛譜。此證。

證婚人 姓名 印

介紹人 姓名 印

介紹人 姓名 印

新郎 姓名 印

新娘 姓名 印

大中華民國 年 月 日結婚大吉 (寫在書末居版之中)

其二 切時

春滿東郊。萬物現滋生之象。化行南國。庶士宜迨吉之求。婚姻以時。男女以正。令

職銜某某君與 縣某校畢業生某某女士。於本年 月 日。就廣座之場。行結婚

之禮。士也才華卓著。克當燕婉之求。女也詩禮夙嫻。自慄雞鳴之戒。行見宜家有道。

和樂。耽琴瑟之音。更期偕老無違。委佗備笄珈之福。用是泥金寫帖。記入壯臺。允宜

合璧成書。藏為枕秘。此證。 (署名蓋印等同前)

此書祇宜用之春日。如夏日。改首聯(春滿東郊)四句。為(荷池風好。正開並蒂之花。蘭閣香凝。宜飲合歡之酒。秋曰。改為(明月團圓。正值秋光分外。祥雲繚繞。却看喜氣迎人)冬日。改為(梅助新妝。正紅點壽陽之額。花生畫筆。喜黛添京兆之眉)

其三 簡式

今由某某兩君。為某某君與某某女士。介紹訂為夫婦。於本年 月 日。行結婚禮。

恭請 某某君證婚。歡諧兩美。好合百年。此證。 (署名蓋印等同前)

其四 續要

夫翡翠衾寒。寤寐起瓊樓之感。鴛鴦瓦冷。綢繆思金屋之修。人所不能忘情。天自為

之作合。茲某某君與某某女士。白頭夙約。紅葉新題。下玉鏡以締緣。撫瑤琴而續譜。

於本年 月 日。行結婚禮。待海棠以梅聘。晚遇稱香。繼穠李於桃夭。後開斯盛。從

此百年偕老。安定鳩居。五世其昌。祥徵麟趾。喜紀良盟之如日。用書好帖於宜春。此

慶弔雜什備覽 卷上 慶賀類 行七 上海繪文堂印行

證 (署名蓋印同前)

以上四式如欲敘明男女兩家尊屬則於(今某某君與某某女士)句改  
為(今某某先生哲嗣某某君與某某先生令媛某某女士)

證婚人箴詞

君子之道造端夫婦好訂于今克昌厥後宜室宜家如賓如友昧旦雞鳴勗哉佳耦

來賓頌詞

三星在戶喜溢門楣百歲同盟慶衍家室羨璧人之作合觀嘉禮之告成某等叨在  
夙好幸與盛儀敢將三祝之微誠謹代百朋而上頌

主婚人謝詞

今日小兒某某與某女士結婚辱承某某二君為之介紹並荷某先生親臨證婚諸  
親朋又惠降觀禮不棄微庸實增光寵錫以吉語敢不拜嘉祇感盛情永銘心版

琴歌

2	二	郎	○	一	3	一	木	3	一	福	1	一	交	3	簇	5	燭	2	篤	2	二	恭	1	一	曲	
3	一	新	3	一	木	6	姻	5	一	我	2	二	柯	5	5	5	燭	2	篤	2	二	恭	1	一	曲	
3	一	祝	5	一	福	1	一	交	3	簇	5	燭	2	篤	2	二	恭	1	一	曲						

調

2	二	量	6	二	斷	2	二	錦	5	二	銀	3	情	3	二	辰	2	二	中
1	一	祝	1	一	無	5	一	不	1	一	又	5	一	輝	2	恩	3	一	良
1	二	祝	1	二	娘	6	二	香	2	二	團	5	二	影	1	滿	2	二	遇
1	一	祝	1	一	新	6	一	生	2	一	花	5	一	雙	3	美	1	一	喜

(一)祝祝祝 祝我新郎新娘無量福 生香不斷交柯木 花園又錦簇 雙影輝  
銀燭 姻緣美滿恩情篤 喜遇良辰 恭逢盛會 敢獻房中曲

(二)頌頌頌 頌我新郎新娘喜氣濃 藍田日暖玉玲瓏 閨閣春意融 甘與子  
同夢 定知警戒聽飛蟲 自今以始 百年偕老 齊眉案舉鴻

(三)慶慶慶 慶我新郎新娘兩玉人 良緣喜自三生訂 蹇修撮合成 在戶看  
三星 密意綢繆證愛情 愛情濃處 瑟琴靜好 笙磬自同音

(四)賀賀賀 賀我新郎新娘幸福多 梁鴻喜得孟光佐 鏘鏘鳴鳳和 牛女會  
銀河 五夜祥雲夢若何 熊羆協慶 麒麟降瑞 瓜瓞聽詩歌

舊式花燭文

舊式各處風尚不同或用四祝或用六祝八祝不等爰擬八段臨  
時採擇可也

伏以天尊地卑闢闔定乾坤之義夫扶婦服剛柔協健順之宜春到天台仙郎有偶  
矯藏金屋玉女于歸欣百兩之盈門笙簧並奏現三星之在戶鸞鳳飛齊士婚

慶 卷上 慶賀類



NATIONAL LIBRARY OF CHINA

伏以赤繩月下。聯來美滿姻緣。紅葉溝中。成就神仙眷屬。藹藹挺交枝之秀。玉樹生香。亭亭開並蒂之花。金蓮煥彩。燦輝光於寶炬。雙影印鶼。觀嘉禮於華堂。同音笙磬。花燭

伏以關關雎鳩。好述列國風之首。雖雖鳴雁待冰歌。旭日之章。紫對梁鴻。三生訂約。庭開孔雀。二美聯懽。欣逢却扇之時。門臨五福。合著授綬之禮。輪御三周。親迎。

伏以陰陽合德。家庭徵和樂之休。內外相資。夫婦正倫常之始。四德久欽。淑女八鸞。擁到仙娥。梅實傾筐。正詠河洲而迨吉。桃夭宜室。聿降沚汭而觀型。釐降

伏以杵搗玄霜。裴航踐游仙之約。釵占彩鳳。秦臺吹弄玉之簫。琴瑟鼓鐘。允諧伉儷。棗脩榛栗。先告神祇。一瓣心香。好訂鴛盟於今日。百年眉壽。長符鳳卜於將來。參拜

伏以桃李美王姬之嫁。川澤慶韓媿之居。人羨鸞儷。爭傳佳話。婚歌燕爾。合進徽言。陳箕子五福之疇。康強逢吉。效華封三多之祝。富壽宜男。祝嘏

伏以一池春水。優游比目之魚。四面祥雲。擁護交柯之樹。人諧佳耦。天作良緣。婚姻聯兩姓之歡。男女訂百年之好。倡予和汝。共賡偕老之詩。合體同尊。先肅如賓之敬。交拜

伏以銀燭照流蘇之帳。香爇芙蓉。金閨傳合卺之杯。春騰羅綺。對桃花之灼灼。卜瓜

庭之絲絲。帶結同心。喜今日華堂集慶。禮明著代。看明年蘭夢呈祥。結縭

賀春日新婚詩 五律  
合卺逢春月。芳菲鬪麗華。鸞聲銷竹葉。鳳管艷桃花。天上雙星並。人間兩玉誇。輕寒融繡幙。從此頌宜家。

其二 七律  
喜看春郊柳色新。妝樓眉黛亦初勻。雲間才士原馳譽。天上仙娥偶謫真。會見魚軒宜翟弟。好期鵬路拭風塵。洛陽年少應堪羨。弋雁雄心視夜頻。

賀夏日新婚詩 五律  
百兩言歸日。榴花插步檐。人真冰玉偶。爰應鳳凰占。涼月籠新簟。春山拂曉奩。百年方燕爾。應不愧鶼鶼。

其二 七律  
金爐瑞靄裊香烟。雪藕冰桃列綺筵。對影欣看連理木。納涼笑指並頭蓮。房中琴瑟真如友。帳裏鴛鴦不羨仙。試看比肩人似玉。三生應自有前緣。

賀秋日新婚詩 五律  
四時秋最好。今夕更何如。明月銀河渡。燈花繡閣舒。藍田種壁夜。京兆畫眉初。人鏡

慶市雜什備覽

都如玉相將挽鹿車。

其二 七律

涼颼吹撒挹清歌。却喜良緣締萬蘿。笑對黃花斟美酒。題留紅葉動仙娥。新妝添得雙眉秀。好夢應知五夜多。自昔風流原有種。人間何必說星河。

賀冬日新婚詩 五律

蠟炬耀迎鸞。笙歌夾路看。錦幃渾似畫。繡幙不知寒。寶瑟彈連理。金樽號合歡。朝來描翠黛。春色上眉端。

其二 七律

夜來凜凜朔風狂。正值君家喜匹凰。瑞雪多情呈靄色。寒梅有意醞天香。酒斟綠蠶網。縵氣燭照紅妝爛。熒光遙想漁舟江上釣。應從此日問津梁。

賀新婚通用詩 五律

銀燭祥光吐。瓊筵香氣和。乘龍誰似汝。種玉問如何。月向秦臺朗。雲行楚峽多。明朝妝閣上。着意畫雙蛾。

其二 七律

燭耀花明映玉堂。爭看嬌女得仙郎。尊前合卺調鸚鵡。臺上吹簫引鳳凰。帶綰同心

憐比翼。圖開百子試新妝。因風傳語張京兆。日畫春山幾許長。

賀續婚詩 五律

久冷鴛鴦瓦。重開玳瑁筵。白頭今踐約。紅葉早聯緣。膠喜鴟弦續。光看鸞鏡圓。宜男有瑤草。新露潤階前。

其二 七律

繡閣重懸不夜珠。新粧初試博山爐。燈前顧婦真如玉。扇底窺郎可有鬚。花發宜男臨寶鏡。絲分長命綴流蘇。鹿門從此堪偕老。梁孟當年得似無。

賀入贅詩 五律

草深春徑軟。遙襯馬蹄來。榻為乘龍下。屏因射雀開。風流推快婿。介紹藉良媒。銀燭高燒處。歡浮合卺杯。

其二 七律

梅實傾筐迨吉時。東牀坦腹羨羲之。婿鄉喜看洞房燭。甥館來牽繡幙絲。冠整翠翹簪並蒂。筆調螺黛畫雙眉。懸知月殿攀花近。天上姮娥出錦帷。

賀娶妾詩 五律

金屋笙歌繞。名花不勝嬌。鏡中添翠黛。燈下卸紅綃。巫峽行雲夢。江皋雜珮飄。盈盈





年十五。簾底坐吹簫。

其二 七律

花氣氤氳百和香。絳紗深處擁紅妝。玉樓人好溫柔老。金屋嬌宜珍重藏。遙室從茲欣有助。偏弦今日喜初張。夜來春鎖珊瑚枕。翠黛低回怯月光。

賀娶妻函

敬肅者。音好黃鸝。恰和

催妝之句。詩成綠草。剛

題縮赤之箋。敬維

喜集華堂。

麻疑蘭室。

鏡裏之鴛鴦。兩兩。

幃中之蛺蝶。雙雙。

諧鳳侶而酒進合歡。金樽香溢。

聽蟲飛而甘與同夢。玉漏籌添。

將翔將翔。應識雞鳴之交警。

宜家宜室。佇看

鴻案之相莊。隳企

青廬。歡臚丹玉。某燕賀情殷。鳧趨跡阻。現

三星之朗耀。悵兩地之迢遙。且假鯉書。當歌

燕喜。肅此奉賀。祇頌

儷安。

此函起處(音好黃鸝)四句。係切春日。如夏日可改為(荔樹初丹。玉案香凝。鸞譜。荷花舒碧。金蓮彩映。雀屏)秋日。改為(碧宇秋澄。明月映。瓊樓而一色。銀河夜霽。景星照。繡閣而生輝)冬日。改為(宮綵初長。瑞雪映。鏡臺之色。錦屏乍展。早梅浮玉杵之香。

賀續娶函

敬肅者。鵲報逆傳。聞

良緣之締結。

鸞膠新續。喜

仙侶之團樂。敬維

慶叶門楣。

釐延家室。

裴航再遇。絲牽繫足之紅。

樂鏡仍圓。筆染畫眉之翠。重締人間佳耦。同徵宿世

前盟聽

瑟瑟鐘鼓之和聲。蔚禮樂冠裳之嘉會。引詹

卿月。載頌下風。某自慚匏繫。未覩催妝。試詠桃夭。聊當却扇。慕

禮恭於執雁。洵諧淑女之述。笑書誤於弄麈。預效多男之祝。肅修寸簡。恭賀

大喜。祇頌

儷安。

賀納妾函

敬肅者。人懷落月。詠秋水於葭湄。

彩綉小星。迎春風於桃渡。敬維

瑣窗人麗。

金屋鶯嬌。

江洲司馬之風流。柳原依戶。

湖海元龍之意氣。花亦當樓。喜抱鴛衾相依。

鴻案。

青衫着處。映玉簫金縷以生香。

紅拂傳來。傍繡帳錦屏而競艷。問今夕果為何夕。察者却喜初逢。想

舊人亦愛新人。

兩美應憐相見。

花開侍女。草種宜男。

遠遙遙瞻。藻華忭頌。某有懷燕賀。莫遂鳧趨。佳茗芬芳。此際想樵青於竹裏。清歌婉

轉。會當聽樊素於花間。恭賀

寵禧。並頌

潭福。

賀娶媳函

敬肅者。遙遙兩地。正深遐思於蒹葭。

爛爛三星。喜見穠華之桃李。敬維

慶衍箕裘。

祥開瓜瓞。



傳世叶蘋繁之吉宜室宜家。

承歡貽堂構之謀佳兒佳婦聽

綺席霓裳之妙舞開

瑤階月扇之清華當趨

庭學禮之年吉先昏禮值隔幔牽絲之會喜接紅絲

鳳卜其昌燕譽有喜某情殷鵲躍跡阻鳧趨遙知琴瑟和聲快聽房中之樂更識羹湯進

饌定添

堂上之歡螿螿益斯敢臨風而獻頌雙雙鯉錦聊寄簡以抒情肅此恭賀

鴻福並頌

潭綏百益

此函賀娶孫媳須改中間(慶衍翼舉)至佳兒佳婦六句為(慶溢德門)祥開奕世○公才公望共說雲初○祖德祖功永蔭瓜瓞又改(當趨庭學禮之時)四句為(當問安)○點頌之時謀詒裕後值隔幔牽絲之會喜結良緣又(定添堂上之歡)之歡字改為鈞字餘皆可通用

賀招婿函

敬肅者久違

塵教溯葭水而興懷快聽

鸞聲賦桃夭而誌喜敬維

屏開射雀

雋選承龍

開東閣以延賓東林腹坦

許南宮之可妻南國才高

清冰潤玉美其名

顰父韓侯叶其吉吹徹

秦臺之管客號為嬌牽來

繡幙之絲婿真稱快企瞻

貳室載詠三星某鳧鳥未趨鴻郵遠隔寄語聊憑驛使臨風伸燕賀之詞相攸喜得

館甥戒旦應雞鳴之警恭賀

鴻禧祇頌

台綏

賀入贅函

敬肅者詩詠求鸞懷



良朋之在遠音諧

引鳳喜之子之于歸敬維

瓊華充耳

玉樹並肩以

倚馬之才配

翔鸞之侶

畫屏射雀喜締良緣

貳室乘龍歡諧吉禮

御鈿車之百兩婿鄉即是仙鄉

宴珠履之三千賓館權為甥館翹瞻

鴛侶爰達魚書某甥務偏羈鳧趨莫遂倘

珠還有白當預營金屋以藏嬌迨

珂想因風定先向瑤臺而請見肅賀

燕喜並頌

儼安

賀嫁女函

敬肅者神馳

雅範切蒹葭秋水之思喜聽

佳音賦桃李穠華之句敬維

秀鍾懷燕

吉卜乘龍

鴻論風生進士儼然不柳

雁鳴冰泮美人纔已及笄

問名是坦腹王郎選到烏衣之族

締耦得畫眉京兆欣逢燕婉之求

有是舅乃有是甥如某廣之妻衛玠

得佳女更得佳婿比少君之適鮑宣仰企

德門彌殷頌籥某繫等匏瓜吟聞柳絮對

三星而歌束楚見此良人御七香而羨舜華爭看

快婿肅脩鯉簡恭賀



鴻禧並頌

潭綏

婚娶答謝通用函

敬肅者。猥以某某完姻。辱荷

惠函。並承

厚貺。謹登謝謝。就諗

興居納祜。

潭第延禧頌

吉語之繽紛。喜開絨而三復。感

盛情之綺篤。荷寵錫乎百朋。道雖遠而不遺

儀以多而畢備。

琳琅滿目。伉儷增光。

珠玉在前。室家相慶。某庸庸之善。草草多勞。蒙

藻飾之逾恒。益蓬心之滋愧。詠泮冰而誼吉。謾云鳳侶新諧。仰

喬竊而傾懷。聊奉魚書為答。尚冀

架型之時錫。俾資韋佩之堪遵。肅佈謝忱。復頌

台綏。並候

覃福。

此函雖可通用。惟用之自己婚娶。謝賀語氣較合。首行某某兩字。可換鄙人兩字。若娶媳謝賀。則某至聊奉魚書為答。數語改為某家囊匱乏。子債催償。遂深觸警之憐。莫了向平之願。乃荷逾恒之。藻飾。益令滋愧。於蓬心。爰答魚書。付諸驛使。如娶孫媳謝賀。則改為某謀漸啟後。愛溺分甘。已當弱冠之年。合備成婚之禮。乃蒙云云。至驛使同上。如嫁女謝賀。則改為某戴良奩。薄吳隱家貧。惟練裳竹筥之安排。聊荆釵布裙而遣嫁。乃蒙云云。至驛使同上。又某某完姻。改為小女于歸。亦可用矣。

誕育

賀生子詩

五律

佳氣報添丁。堂前賀客盈。熊羆符吉夢。湯餅試啼聲。天降石麟下。祥從玉燕生。弄麈書錯寫。笑語絕冠纓。

其二

七律

瓊林珠樹繞庭除。又聽英聲筦篥初。吹律喜符飛燕夢。臨池錯寫弄麈書。絲絲家世弓裘遠。濯濯風姿楊柳疏。從此青箱堪濟美。遙瞻佳氣已充閭。

賀生女詩

五律

玉女星初朗。門楣喜氣濃。畫樓巢翡翠。綠水映芙蓉。自是瑤臺種。宜從金屋逢。亦知生女好。他日看乘龍。

其二 七律

秀茁階前花一枝。君家喜氣溢門楣。金盤乍浴聲聽鳳。玉勝呈祥夢叶蛇。此日輝煌看設悅。他年婉婉帶鞶絲。膝前蘭蕙清芬滿。有女應知羨左思。

賀生孫詩 五律

蘭玉階前繞。孫枝又早榮。分甘懷逸少。命字記升卿。珠樹千尋秀。龍文五彩明。自能繩祖武。不必試啼聲。

其二 七律

弧彩新懸燦似霞。麈書絡繹到君家。好將燕翼詒謀遠。應抱龍孫喜氣加。百尺高梧枝乍長。一林修竹筍初芽。料知渥水麒麟骨。他日興宗合自誇。

賀生子函

敬肅者。蘭香入夢。早徵多子之祥。柳驛傳書。快聽

得男之喜。敬維

祥呈玉燕。

秀毓石麟。

虎嘯聞啼。知桓氏有茲英物。

象賢繼志。卜王郎不是凡兒。欣看

蓬矢桑弧。好分得宋家一絕。尤卜

聯珠合璧。定應如馬氏五常。

宏開湯餅之筵。

喜叶旗鈴之瑞。

椒蕃遙祝。藻頌允符。某啖蔗難期。析薪莫荷。笑無知之豚犬。慈市空歸。羨有兆於熊羆。

芝楣益耀。敬賀

璋喜並頌

潭綫。

賀生女函

敬肅者。快讀

賜書。欣聞

弄瓦就詒

釐延蘭寢

瑞啟芝楫

誼篤鴻眉早關心於得寶

吉占虺夢果擎掌而為珠待傳

伏勝之經好續孟堅之史此日嬌

憐弱女先聽雛鳳之新聲他年

峯號丈人再獲

乘龍之妙選輦絲誌慶玉勝占祥某繞膝留豚投懷無燕選聞

設悅喜犀錢玉果之分霑試聽

鳴環快繡祿珠纓之在抱肅修鯉簡恭賀

鴻禧祇頌

潭綬

賀生孫函

敬肅者遠道際違時殷殷溯

佳音傳報喜

獲蘭孫敬維

德門溢慶

世澤延芳

瓜瓞蔓繇

燕翼賴詒謀之善

梧桐枝長鳳毛有濟美之稱

太邱之得陳羣昌豈待夫五世

謝安之有靈運秀已萃于一門仰

飴座之合歡合襲軒而起舞某熊占快覩試披百子之新圖雀躍騰歡喜聽

三多之佳話即引詹於繩

武先羨美於象

賢肅此敬賀

鴻禧

謝賀生子通用函



敬肅者猥以小兒彌月辱荷

惠函並承 云云至 畢備 (與婚娶答謝通用函同)

琳琅滿目湯餅增光

珠玉在前桑蓬添色 某丁年之狀子債更添敢云肯構之可期或冀析新之能負乃

荷逾恒之

藻飾益令滋愧於蓬心爰達魚書付諸驛使尚冀

絮型之時錫 以下云云(均與婚娶答謝同)

如謝賀生孫則(丁年之狀)四句改(梧桐老去蒲柳衰時差幸子舍之添丁轉慮實家之多累如謝賀生女改為(偶然弄瓦敢擬擊珠惟矯重男輕女之風乃為設稱觴之舉)又改(桑蓬)二字為(中佩)二字餘皆可通用

閱微草堂筆記五種為前清河間紀文達公所作文達精考據之學博極羣書詞旨典雅閱者頗費檢索茲本局特為詳加註釋凡書中引用故事及地名人名或詞義典奧有待詮釋者俱為舉其出處詳其來歷附之原文之下以便觀覽其於愛讀是書者或不無小補云

紙用連史印訂精美

# 詳註閱微草堂筆記

全函十冊 價洋二元

## 四大特色

(一)近來坊間刻本雖卷數仍舊而刪削過多以訛傳訛幾乎無一善本本書特取原刻足本精心校讐幸免是弊(二)本書註釋不避繁瑣以適於普通社會為主(三)註中所引書籍皆標舉書名以便檢閱原書(四)有一事而前後屢見者本書祇註始見之處其餘但註見某卷某則以避繁複

## 全書一冊

是編立說無方不拘一格舉所謂社會時事歷史人情偵探寓言哀感頑艷諸說體備見一斑俾閱者神遊目想於卷帙間探盈虛之理達禍福之源其庶幾借鑒有資能近取譬乎

## 客中消遣錄

價洋八角

近取譬乎







中国国家图书馆  
NATIONAL LIBRARY OF CHINA